

宗玄先生文集序

壽三

唐 禮部侍郎權德輿撰

道之為物無不由也無不貫也而況本於玄覽發為至言言而蘊道猶三辰之麗天百卉之麗地平夷章大恬澹溫粹飄飄然軼八紘而游三古與造物者為徒其不至者遠言則華涉理則泥雖辯麗可嘉采真之士不與也宗玄先生吳君其知言者歟先生諱筠字貞節華陰人也年十五篤志於道與同術者隱于南陽倚帝山閣覽古先選蹈物表芝耕雲臥聲利不入天寶初玄纁鶴板徵至京師用希夷啓沃膺合玄聖請度為道士宅居於嵩陽丘乃就馮尊師齊整受正一之法初梁貞白陶君以此道授昇玄王君王君授體玄潘君潘君授馮君自陶君至于先生凡五代矣皆以陰功救物為王者師十三年召入大同殿尋又詔居翰林明皇在天下順風祈禱乃獻玄綱三篇優詔嘉納志在遐舉累章乞還以禽魚自況數譯為樂得請未幾盜汙三川羽本虛舟泛然東下棲匡廬登會稽浮瀨

何息天柱隱机理照順吾靈龜有時放言以暢天理且以園公歌詠於紫芝弘景怡悅於白雲故屬詞之中尤工比興觀其自古王化詩興大雅吟步虛詞遊仙雜感之作或遐想理古以哀世道或磅礴萬象用冥環樞稽性命之紀達人事之變大率以奮神挫銳為本至於奇來逸響琅琅然若雲霧而凌倒景崑崙松喬森然在目近古遊方外而言六義者先生實主盟焉至若總論谷神之妙則有玄綱哀蓮心蒿目之遠於道也則有神仙可學論疏論滌雪使無落吾事則有洗心賦巖居賦脩習中之誠而休乎天君則有心目論契形神頌其他操章寓書發美敘別非道不言言而可行泊然以微妙卓爾而昭曠合為四百五十篇博大真人之言盡在是矣大曆十三歲歲直鶉首止于宣城道觀焚香返真於虛室之中門弟子有邵冀玄者率顛其徒寧神于天柱西麓從其命也冀玄偏得先生之道如稿木止水剝心遺形太原王顏嘗悅先生之風自先生化去二十五歲顏為御史

丞類斯遺文為三十編拜章上獻藏在秘府厥後冀玄得其本以授予請序引其選庶庶傳承久別有辯析世感之論不列於此編至若挺神奇祛物怪告鍊蛻之地合貯鑿之符皆備刻於金石者之說今徒采獲斯文以序崖略且俾後學知道者必知言云